

中華叢書

中華
文彙
明
文
彙

中華叢書委員會印行

新
外
資

中華叢書

中華
文彙
明
文
彙

總編 高 明
編纂 袁 若

新學社
PDG

中華叢書
中華明文彙

中華民國四十七年七月印行

全一冊

精裝新台幣拾壹元陸角

總編纂 高 編纂 袁 出版者 中華叢書委員會 發行 中華叢書委員會 國內總經銷 台灣書局 國外總經銷 集成圖書公司

地址：臺灣臺北市重慶南路一段十四號

地址：臺灣臺北市中山南路十一號

地址：香港九龍彌敦道五八〇號E

CHI SHENG BOOK CO.
580E NATHAN ROAD,
KOWLOON, HONGKONG

陶安

陶安，字主敬，當塗人。吳元年，初置翰林院，召安爲學士。洪武元年命知制誥，兼修國史。有陶學士集二十卷。文章平正典實，有先正遺風。

陶凱

陶凱，字中立，臨海人。領元至正鄉薦；洪武初徵修元史，書成，授翰林應奉，教習大本堂，授楚王經。擢禮部尚書，與崔亮等酌定諸禮儀，凡詔令、封冊、歌頌、碑碣，多命凱屬草。復請依唐、宋會要紀載時政，帝從之。出爲湖廣參政。以晉王府右相致仕。凱博學善屬文，尤工詩，嘗自號耐久道人，帝聞而怒之。後坐在禮部時，朝使往高麗，主客曹誤用符驗，論死。

朱元璋

朱元璋，字國瑞，濠州人。幼孤，爲皇覺寺僧。元末，羣雄並起，郭子興據濠，往投之；子興奇其狀貌，留爲親兵，所戰輒勝。子興卒，諸將奉爲吳國公，旋稱吳王，滅陳友諒、張士誠，移師而北，克燕京，十五載而成帝業；建都應天爲南京，在位三十一年崩。廟號太祖，諡高皇帝，年號洪武。帝愛重士，頗多善政；惟治太急，疾惡太嚴，誅戮功臣，株連尤衆。科舉以八股取士，亦始於此時。

宋濂

宋濂，字景濂，浦江人。元至正中，薦授翰林院編修，以親老，辭不赴；隱東明山著書。洪武二年

，詔修元史，命充總裁官。官至翰林學士。以老致仕。長孫慎坐胡惟庸黨，舉家謫茂州；道遇疾，卒於夔。正統中追諡文憲。濂小穎異。嘗受業吳萊、柳貫、黃潛之門。於書無不讀。其文，論者稱：氣韻沈雄、神思飄逸，詞調清雅。著有宋學士文集與宋文憲全集。

劉基

劉基，字伯溫，青田人。元末進士；官高安丞，有廉直聲。入明，佐太祖成帝業。授太史令。累遷御史中丞。封誠意伯。以弘文館學士致仕。惟性剛嫉惡，與物多忤，爲胡惟庸所構，憂憤卒。正德中，追諡文憲。其傳經史、史，精象緯之學；而亦能文。著有誠意伯文集二十卷。

王禕

王禕，字允克，義烏人。幼敏慧，及長，身長嶽立，屹有偉度。明初徵爲中書省掾。洪武二年，修元史，禕與劉基、宋濂、黃潛之、潘度，擢翰林待制，同知制誥。使國史院編修官。五年正月，使雲南，抗節死。諡文節。其統志，改諡忠文。嘗從文豪柳貫、黃潛游，遂以文章名天下。禕爲文醇樸宏肆，有宋人軌範。著有王忠文公集二十四卷。

詹同

詹同，字同文，婺源人。幼穎異，見知於虞集，集以弟女妻之。元至正中，舉茂才異等，除郴州學正。遇亂，家賣相。仕陳友諒爲翰林學士承旨。明太祖下武昌，召爲國子博士。累官至吏部尚書致仕。

卒諡文憲。其學識淹貫，尤深易、春秋。爲文敏捷，一時莫並。著有天衢舒嘯三卷。

胡翰

胡翰，字仲子，一字仲申，金華人。少從吳師道、吳萊學古文，故其文多得二吳遺法。著有胡仲子集十卷。

王彝

王彝，字常宗，蜀人。少孤貧，讀書天台山中，師事王貞文，得蘭谿金履祥之傳。洪武初與修元史。以薦入翰林，乞歸。魏觀守郡，彝嘗與觀作文，觀得罪，連坐死。有王常宗集。

杜敷

杜敷，字致道，壺關人。舉元鄉試第一。除臺州學正，歸家教授，通易、詩、書三經，自號拙菴老人。洪武中建四輔官，召敷主夏官；薦宋訥爲國子助教，旋致仕卒。有四輔集。

徐一夔

徐一夔，字大章，天台人。有始豐稿十四卷。文章謹嚴有法度，無元末冗沓之習。

姚廣孝

姚廣孝，長洲人。醫家子，年十四，度爲僧，名道衍，字斯道。洪武中，還高僧，以病免。又詔通

儒書僧試禮部，不受官還。燕王與語甚合，請於帝，徙至北平，住持慶壽寺，常居府中。燕王常懷覬覦，而其陰謀皆成於廣孝。帝崩，太孫立，勸王反。及燕王立，錄功第一，拜太子少師，復其姓，賜名廣孝。使蓄髮，不肯。賜第及兩宮人，都不受。嘗監修太祖實錄，又纂修永樂大典。卒贈榮國公，諡恭靖。著有逃虛子集十卷。

王廉

王廉，生平不詳。

朱右

朱右，字伯賢，一作序賢，自號鄒陽子，臨海人。學於陳德永。明初徵赴史局。累官晉府右長史。有白雲稿、秦漢文衡、元史補遺。

桂彥良

桂彥良，名德儒，以字行，慈谿人。元鄉貢進士，爲平江路學教授。洪武六年徵詣公車，授太子正字，遷晉王府右傅，後更王府官制，改左長史。十六年請告歸，越二年卒。追諡文裕。有清節、清溪、山西、拄笏、老拙等集。

朱升

朱升，字允升，休寧人。元末舉鄉薦，爲池州學政，避盜棄官隱石門，學者稱楓林先生。太祖召爲

翰林學士，定宗廟時享齋戒之禮。尋命與諸儒修女誡。請老歸卒。升於五經皆有旁註，而易尤詳，別有前圖二卷；又著有楓林集。

吳沈

吳沈，字潛仲，蘭溪人。洪武初，命爲郡學訓導，授翰林院待制，以事降編修，改國子博士，以老歸。

梁寅

梁寅，字孟敬，新喻人。世業農，家貧，自力於學，淹貫五經百氏。明初，徵修禮書，書成，將授官，以老病辭還，結廬石門山，四方士多從之學，稱爲梁五經，又稱石門先生。卒年八十二。有石門詩文集七卷。寅不獨以博學見長，詩亦矯矯可傳，饒有韋陶風致云。

唐仲

唐仲，生平不詳。

唐肅

唐肅，字處敬，會稽人。元末官嘉興學正。洪武召修禮樂書，擢應奉翰林文學，兼國史院編修。以失朝罷歸里，佻豪之習相山，歲餘卒。著有丹崖集八卷。

高啓

高啓，字季迪，長洲人。元末張士誠據吳，依外家居吳淞之青邱，因自號青邱子。洪武初，召修元史，授翰林院國史編修。尋擢戶部侍郎，固辭，放還田里。及歸，居青邱，授書自給。知府魏觀，爲移其家郡中，旦夕相見，甚歡。觀以改修府治獲罪被誅，啓嘗爲觀撰府治上梁文，帝見之大怒，並逮至京，腰斬於市。年僅三十九歲。著有高太史大全集十八卷、鳧藻集五卷、附扣舷詞，並傳於世。

徐尊生

徐尊生，字大年，淳安人。洪武初詔修元史，徵山林隱逸士爲纂修官，尊生與焉。書成，賜賚遣還。復召修日曆。後以宋濂薦，授翰林應奉文字，並稱旨。老疾乞歸。有文集。

錢甦

錢甦，生平不詳。

朱模

朱模，生平不詳。

黃伯生

黃伯生，生平不詳。

張來儀

張來儀，生平不詳。

朱廉

朱廉，字伯清，義烏人。幼力學，從黃潛學古文。洪武初召修元史成，拜翰林編修；久之辭疾歸。取朱子語類摘其要，名曰理學纂言。

蘇伯衡

蘇伯衡，字平仲，金華人。有平仲集十六卷。其文章蔚然有法，然病在用意太苦，遣詞太繁縟云。有蘇平仲文集。

趙汭

趙汭，字子常，休寧人。黃澤門人，研心春秋之學。晚年屏迹東山著述，學者稱東山先生，有春秋集傳屬辭、左氏補註、師說、東山存稿。

劉永之

劉永之，字仲修，清江人。父應奇，知歸州。少隨父宦遊，治春秋學，能文詞。明初，徵至金陵，入禮局，竟以耳疾辭歸。嗣子奉，坐事死，縣官籍其家，遂徙東萊，至桃源，病死。好書甚篤，篆楷行

艸皆有法，因自號山陰道士。著有山陰集五卷。

劉仲環

劉仲環，生平不詳。

錢宰

錢宰，字子予，一字伯均，會稽人。元至正間中甲科。學有原本，時推爲宿儒。洪武初徵修禮樂書，授國子助教，進博士。後命訂正尙書蔡氏傳，書成賜歸。有臨安集。

童冀

童冀，字中州，金華人。洪武中徵入書館。後爲北平教授，坐罪死。嘗與宋濂、張羽、姚廣孝相唱和，詞意清剛，不染元季綺靡之習。有尙綱齋集。

劉大昕

劉大昕，生平不詳。

謝肅

謝肅，字原功，上虞人。舉開元博，與山陰唐肅齊名，時稱會稽二肅。元至正末張士誠據吳，肅慨然欲見宰相，獻偃兵息民之策，卒無所遇，歸隱於越。洪武中舉明經，授福建按察司僉事。以事下獄死。

。有密菴集。

吳公願

吳公願，生平不詳。

貝瓊

貝瓊，字廷琚，一名闕，字延臣，崇德人。元末張士誠屢辟不就。明初，徵修元史。洪武六年，以儒士舉，除國子助教，與張美和、聶鉉齊名，時稱「成均三助」。著有清江詩集十卷。

張孟兼

張孟兼，名丁，以字行，浦江人。洪武初徵爲國子監學錄，與修元史。以太常丞出爲山西按察司僉事；遷山東按察司副使。以執法不阿爲吳印所誣訐，棄市。有白石山房逸稿。

劉三吾

劉三吾，茶陵人。初名如孫，以字行。洪武十八年以茹瑺薦，召至，年已七十三，奏對稱旨，授左贊善，累遷翰林學士，與汪叡朱善稱三老。三吾爲人慷慨，不設城府，自號坦坦翁。後因會試事戍邊；建文初，召還，久之卒。

朱善

朱善，字備萬，豐城人。九歲通經史大義，能屬文。元末兵亂，隱山中，事繼母以孝聞。洪武初，爲南昌教授；八年廷對第一，授修撰。逾年奏對失旨，改典籍放還；復召爲翰林待詔。十八年擢文淵閣大學士，卒年七十二。著有詩經解頤、史輯傳世。

劉崧

劉崧，字子高，初名楚，泰和人。洪武初，以薦授職方郎中，累官至吏部尙書，致仕歸；復召爲國子司業，未旬日卒。所著有槎翁集十卷。崧七歲能詩，及長，日課一篇，天寒皸裂不少輟，豫章人宗之爲西江派。

朱夢炎

朱夢炎，字仲雅，進賢人。元至正進士，太祖召居賓館，命集古事爲質直語，教公卿子弟，名曰公子書。帝方稽古右文，夢炎援古證今，剖析源流，帝甚重之。卒於官。

吳伯宗

吳伯宗，名祜，以字行，金谿人。洪武初廷試第一。授禮部員外郎。以忤胡惟庸，謫鳳陽；上書論時政，因言惟庸專恣，辭甚剴切；帝得奏召還。歷官武英殿大學士；後降檢討，踰年卒於官。

鄭階

鄭階，字晉之，吳縣人。嗜酒耽吟，齋中常設一木主，題杜甫名，得淳醪佳茗，必先以奠。有慎獨

居詩存。

鄭濟

鄭濟，嘗學於宋濂，有文行。洪武中以東宮官屬久曠，命廷臣舉孝弟敦行者，特擢濟爲奉議大夫，左春坊右庶子，致仕卒。

方孝孺

方孝孺，字希直，一字希古，海寧人。少從宋濂學，知名。洪武間，除漢中府教授。蜀獻王聘爲世子師，名其學舍，曰「正學」。建文時爲侍講學士。燕王棣舉兵南下，姚廣孝以孝孺爲託曰：「城下之日，彼必不降，幸勿殺之；殺孝孺，天下讀書種子絕矣。」及燕王陷京師，詔使草詔。孝孺裹絰至，號哭徹殿陛。成祖降榻勞之，顧左右授筆札，曰：「詔非先生草不可。」孝孺擲筆於地，拒不受命。成祖以滅九族脅之；孝孺謂，雖滅十族，亦不附亂。於是磔孝孺於市，且於其九族之外，盡殺其朋友，以成十族之數，而演古今罕觀之慘獄。福王時，追諡文正，學者稱正學先生。其文縱橫豪放，頗出入於東坡、龍川之間，論者稱其醇深雄邁。著有遜志齋集二十四卷。

樓璉

樓璉，金華人。建文時，官侍讀。成祖既殺方孝孺，以草詔屬璉，璉不敢辭，歸語妻子曰，我固甘死，正恐累汝輩耳。其夕自經。

王景

王景，字景彰，松陽人。洪武初，爲懷遠教諭，以博學應詔，命定藩王朝儀，受山西參政。召入翰林，修太祖實錄，除禮部侍郎，兼翰林侍講。成祖卽位，擢學士；帝問葬建文帝禮？景頓首言：「宜用天子禮。」從之。永樂六年卒於官。

茹瑄

茹瑄，衡山人。洪武中由監生除丞敕郎，歷通政使，勤於職，太祖賢之；尋拜副都御史，授兵部尙書，加太子少保。成祖入京，瑄首勸進。後以過長沙不謁谷王，下錦衣獄，服毒死。瑄居官謙和有容，其死也，人頗惜之。

汪仲魯

汪仲魯，生平不詳。

葉致中

葉致中，生平不詳。

王達

王達，無錫人。或云燕王篡國之草詔爲其所作，一云王景作。

王叔英

王叔英，字原采，黃巖人。洪武中與方孝孺等並徵至，叔英固辭歸。二十年以薦爲仙居訓導，遷漢

陽知縣，多惠政。建文時，召爲翰林修撰。燕兵至淮，奉召募兵，行至廣德，聞京城不守，自經於元妙觀銀杏樹下，道士盛希年葬之。燕王稱帝，陳瑛簿錄其家，其妻金氏亦自經，二女赴井死。

董倫

董倫，字安常，恩州人。洪武中以薦授左春坊大學士，出爲陝西參議，坐事謫雲南教官。雲南初設學校，倫以身教，人皆嚮學。建文初召拜禮部侍郎，兼翰林學士，與方孝孺同侍經筵。成祖卽位，倫年已八十，命致仕卒。

王翰

王翰，字時舉，夏臺人。元末隱居中條山，入明爲周王橐長史；王有異志，翰正諫弗納，度不可爲，卽斷指佯狂亡去。後起翰林編修。謫廉州教授，值羌亂，死節。

朱夏

朱夏，字元會，一字好謙，金谿人。游吳澄門，數舉進士不第，益杜門治經史；爲文不及於古不止。賀某在相位，欲薦入史館，不就。至正時鄉寇起，竟罹於禍。有明陽集。

王儼

王儼，字孟揚，其先東阿人，父翰流寓閩中，著籍永福。永樂初，薦授翰林檢討，與修大典。英國

公張輔攻交趾，奉命參軍事；還，守故宮。後坐解縉黨，下獄死。著有虛舟集五卷。

王紳

王紳，字仲縉，禪次子。禪使雲南，伏節死，時紳年甫十三，聰敏過人，落筆爲文，沛然不可禦。紳于伯氏綬，事母夫人何氏盡孝。潛溪先生一見卽器之，曰：「吾友王待制其有後乎！」蜀王聞之，馳書幣聘致，待以客禮。紳痛父死節蠻徼，遺幣未返，白其事于王，給道里費以行，至雲南訪求不獲，述滇陽慟哭記以著志。後授國子博士。卒年四十二歲，有繼志齋集三十卷。

周宗傳

周宗傳，生平不詳。

解縉

解縉，字大紳，吉水人。洪武二十年進士，永樂初，官翰林學士，成祖修永樂大典，爲總裁官。出爲江西參議，改交趾，爲漢王高煦所譖，下獄死。詩稿若干卷，多出於後人竄亂，今所存者眞僞相半。然才氣放逸，當時有才子之目，雖詩無全稿，而其中佳句間存，亦復不減作者。有文毅集十六卷行世。

黃福

黃福，字如錫，昌邑人。洪武中，由太學生歷金吾前衛經歷，超拜工部右侍郎。建文時，深見倚任，成祖列奸黨二十九人，福與焉；成祖入京師，福迎附，未幾拜工部尙書，督安南軍餉；安南旣平，郡